

惟皇帝陛下德厚道高功崇業廣智勇天錫聖敬日躋任
賢使能與堯舜之心同大賞功罰罪如天地之德無私端
居九重之中明見萬里之外伏念臣性資愚陋學術迂疎
分甘老於山林名敢求於簪紱教子乏義方之訓承恩忝
科甲之榮大邑分符深佩選掄之重安書寄遠勉加忠孝
之全俾恪守於廉勤庶少副於知遇何冀上聞於天闕過
承下逮於星輶白金光照於琴書黃絹春生於篋篋芳椒
助養上藥扶衰豈期枯朽之餘遽拜駢蕃之賜微徭特免
喜懼交臻臣瞻仰清光鈞陶聖化心同大馬願據報効之
誠景迫桑榆欣觀太平之盛

疏

嘉興府志

卷八十二

藝文一

四

明

施儒請分立縣治疏

嘉靖十七年十一月

奏爲便宜創立縣治以弭鹽盜以安地方等事臣竊照陸
近烏鎮大市地僻人稠商賈四集財賦所出甲于一部第
烏鎮爲烏程歸安桐鄉秀水崇德吳江等六縣輻輳四衝
八達之地比年以來民風惡薄鹽徒出沒盜賊日繁賭博
盈街娼優塞巷甚至白晝殺人肆無忌憚且如烏程唐纓
唐珣父子桐鄉吳愷夫婦歸安蔣仁兄弟及不知姓名徽
州等處商客或因小忿被殺或以見財謀害或賭錢宿娼

嘉興府志

卷八十二

藝文一

五

爭鬪致命不下百數此臣所目擊耳聞者也至於本鎮左
右前後溪港私鹽拒捕惡少剽掠傷人命姦汚婦女不
可枚舉遠近惡惡眠不貼席官府亦嘗禁捕緣係六縣交
制兇徒各立黨與分聚窠穴彼追此遁互相拒奪官兵限
於越界之禁竟莫誰何蓋緣歸安秀水吳江等縣俱與本
鎮相去百里遠難控制此因習俗不良亦由地勢使然欲
求地方甯謐必須在鎮創立縣治庶事權歸一民有依庇
又恐獨見有碍再三訪諸有識耆老曉事生儒及鄉鎮大
小居民俱各踴躍稱便又慮鄉立衙門工費浩大眾口皆
曰立縣治則有普靜廣福慈雲等庵寺立儒學則有密印
寶閣等寺立倉場則有北利濟等寺堂宇解舍前項寺院
房屋足勾修改城移工食居民咸願酌量多寡出辦何費
於官何害於民臣思立大事以人爲本今人心悅服事必
有濟但以君門萬里上達無由臣故不敢以樛朽自棄昧
死爲陛下陳之臣又思往年叨受廣東惠潮兵備正值被
處盜賊滋蔓愈熾比臣查得廣東江西兩建先年各因盜
賊生發奏立平和和平東鄉等縣俱有明驗臣乃訪順民
情通呈撫按奏請改設惠來大埔二縣迄今盜息民安遂
爲樂土由是觀之設縣弭盜誠爲急務本鎮事勢無異前
項地方若不早爲區處不無釀成大患良民轉徙市鎮

做漢爲可憂伏望皇上軫念生靈荼毒特敕戶部轉行撫按衙門委官體勘相度將各縣附近里分酌量分割百里上下樹立一縣則前患可消居民安堵況各縣大者五六百里其次二三百里每縣分割一二十里不殺二十之一夫仁人以公天下爲心而論治以利國家安民生爲上之何分之足恡哉有議設巡檢司以鎮之者有議設巡捕通判以鎮之者見今東有爛溪巡司北有後潘巡司南有阜林巡司西有璉市巡司各與本鎮相離不遠盜賊生發略無顧忌又福建南詔地方會設捕盜通判并千戶所賊發竟不能支後請設縣遂乃甯謠以彼驗此應否昭然且本

嘉興府志

卷八十二 藝文一

六

鎮地厚土沃風氣凝結居民不下四五千家叢塔宮觀週布森列橋梁關閣不煩改拓宛然縣城氣象似乎有待開創以補前人區畫未及傳曰不一勞者不久逸不暫費者不永甯伏乞聖明畱神採納地方幸甚維保請立縣治以弭鹽盜以安地方事理爲此激切具本專差義男親齎奏聞伏候敕旨

屠仲律禦倭五事疏

一絕亂源夫海賊稱亂起於負海姦民通番互市爲賊腹心勾引深入因而作亂其人雖概稱倭其實多編戶齊民此所謂亂源也故禦盜之標在腹裏防守弭盜之本當選

海制之選海諸處漳泉福爲始而甯紹次之其一禁放洋巨艦其二禁窩藏巨家其三禁下海姦民三法者立而亂源塞矣即使舊賊未盡殄滅然而後無所繼其勢自孤退無所歸其情知懼矣二防海口夫海口涯涘無際然賊泛海來犯放洋則衝濤入口則起陸非可絕險而徑渡也故其往來出入所可防拒者姑自浙東西大江以南濱海數郡言之入平陽港則近金鄉入黃花澳則近盤石而逼溫州入海門則越新河而寇台州入甯海關入湖頭灣則窺象山定海而瞰甯波入三江口則搖尾於紹興入鼉子門則垂涎於杭州入乍浦碇則流毒於嘉興入吳淞江則犯

嘉興府志

卷八十二 藝文一

七

造或卽令沿邊地方買補每大小船百隻或五十隻號爲一條募以花丁水手而充以原額水軍於前諸海口各置緩急以爲置船多寡又爲遊艘數艘分布上流往來要害錫糧衣甲之給比陸軍加優令其更番巡邏併力捍禦來過其衝夫繫其犄角以毋令賊入賊入而力拒有功者陞賞其失備者重究此禦寇之長算也三信賞罰臣聞倭之入也豈盡無軍之患蓋有有軍而移入便地者矣有失於巡哨者矣甚有買渡報水受其釣餌者矣若此則地方奚賴焉夫百處守之一處失之無益也千日防之一日疏之無益也是在督撫及海道諸臣明信其賞罰耳夫荷戈戟

嘉興府志

卷八十二

藝文一

八

敵甲自爭鋒死刃者將士之能也保封域固郊圻全境安民者守令之任也今之守令不肖者棄城守走矣其賢者大率遇警則嬰城守耳其關廂村落委之無可奈何夫城之外獨非赤子乎且邊海孤城猝然無備猶可議也腹裏巖都江南輿壤寇非可長驅而卒至者鎮使徜徉去來若履無人之境則國家建邦設邑張官置吏將焉用耶自今江南守令之職當以訓練士兵保全境土爲殿最仍教吏部凡遇沿海守令員缺必慎擇其才且賢者然後授之庶保障足賴耳國議調發近日徵調各處兵民遠近四集徐邳山東永保川廣及軍門編調各府義勇無慮數萬然師

老財殫竟不見膚功之奏者臣請指諸臣不善用兵之弊陳之夫古者用兵潛機密計電馳電擊進退倏忽妻子莫聞所以能有成功也今則先發後行刻期始動前軍未敗而先聲已聞其弊一也古者名將算不百勝不輕動今也謀不預成計不先定冥行突進動陷伏中其弊二也守不據險屯不列要奔急救難賊進我勞其弊三也語曰夜戰聲相聞足以相救晝戰目相見足以相識懼愛之心足以相死言兵之貴熟習也今也兵不專一主客雜聚卒遇技賊易衣變飾突然來前不能別識其弊四也兵無素統將不預設一遇有警卒然命官以烏合之人帥以未經識面之將其弊五也夫三軍之眾所以冒白刃蒙矢石至死而無敢卻顧者威之素也今法令姑息紀律不肅進有必死之恐退無伏鎗之慮是以但畏敵而不畏將其弊六也地形不習險易不識趨利不及避難不早其弊七也糧糗不儲料理不周遠兵勞役撫恤未至枵腹待饑窮愁思歸其弊八也士不精選勇怯無辨前擊後解譙然而散雖有悍夫勇士或以無援而力屈或見先奔而膽喪其弊九也地狹人眾不能旋轉互相排擠雖有勇敢無以效其所長其弊十也近日汀州如賴百戶兵敢死先登足當一面以不善用之使頭領陣亡軍士逃遁如此則徵兵雖多亦何益

嘉興府志

卷八十二

藝文一

九

哉夫賊非有遠略大志約束號令不過羣聚爲姦利在貪淫耳所以制禦之則非兵少之憂而實寡算之患蓋欲防盜者必知盜情欲制盜者必懷盜心故必詳謀而熟計之然後成功可期也五作勇敢沿海如沙民鹽徒打生手及村莊悍夫皆勇敢可用然多樂效用於私室而不樂報名於公家何者以公家勢迫而役繁也豪民以之保村里則有餘以之充行伍則無益何者以行伍之多而心力渙也然則順其情相其宜以振作鼓舞之必有術矣乞教下各該有司通諭豪家大族及里巷豪傑各爲身家併力拒守其有能團結鄉民保固村鎮者先與免其糧里押運重役

嘉興府志

卷八十二

藝文一

十

請諭地方官凡義民不願在官者不得一切附報且嚴禁官軍不得擅奪民功則民見利而動無畏而奮各思所以自效矣

陸清源白糧官運疏

臣聞賑報見應天巡撫黃希憲北運當極餒之時一疏奉聖旨白糧倉占滋擾包提胥役歲滋侵盜種種積弊委宜釐正奏內照畝均派專官督解及復近裁員缺等議減裕國便民長策該部速與議覆夫北運至今日而疲困甚矣如蠶點之鑽營而漏窩坐費也如包棍之盤踞而誤公餉私也如抽兌之侵漁而名存實亡也如總協之公費而科派多端也如胥舍之虎視而勒索不休也如船戶之凌詐而通借無限也如引戶之包納而違制橫加也如漕壓之難越而剝費浩繁也百千難苦誠有繪圖難盡者至邇年以來在在起剝節節提淺一解數年浮費不貲室家如洗性命隨之總捕總通判因糧無措而仰藥聶同知積委受事而挂冠官之慘至此民之痛可知今幸應撫詳計聖聰如流特允照畝均派專官督解釐從前之積弊盡百世之長算行見蘇松常三郡之遺民欣欣有起色矣但嘉湖與三府其糧派大約相同而罷累亦彼此不異今三郡特蒙官解而嘉湖尙仍民運是受困不與三郡異而受恩未與

嘉興府志

卷八十二

藝文一

十一

三鄉同富亦聖明所不靳均施者臣備員侍從目擊兩縣
洪敷而能不爲桑梓請命乎謹比例上陳乞敕該部將嘉
湖二府照蘇松常一體議覆官解并移咨撫按確核經久
良規庶聖明恩養窮黎之德意徧滿東南矣抑臣更有請
者十三年分嘉湖二府糧解一運三年時日既久起割復
多米之在途者偷竊去其半海爛去其半彼十二年以前
已蒙捐免十四年未經起解亦蒙改折三分獨十三年分
介在兩年之間奇荒異苦跋涉到京欲終事而不得仰句
聖明矜憫俯照十四年改折之例量與蘇息在皇上止是
改本爲折不虧國課在窮民各得以銀代米生還有日於

嘉興府志

卷八十二 藝文一

三

以再生兩郡非淺鮮也事關民生大計謹瀝陳上告

徐必達國賦原平奸民釀亂乞敕嚴行勘結以靖地方疏
先該南京督理黃冊給事中一本爲田糧欺隱有據改正
無時等事又該嘉善縣里老俞汝猷等一本爲隱田三萬
餘畝有據賠糧三十餘年無休等事總以欺隱爲名歸之
正疆界以圖肆其攘田之實臣等以爲當道自有主持小
民自當靜聽不意今日奸民羣起不逞庭辱持公秉正任
勞任事查冊燭奸之道臣府臣縣臣至各杜門求去則臣
等靜聽之局始窮敢直陳始末竊照洪永間止嘉興縣耳
至宣德四年始分秀水嘉善時承平垂六十年人戶既以

籍定田地過割從人如趙甲本一都人戶而買坐落十都
或二十都田地值大造被推此收一切坐落十都或二十
都之田地總收爲一都趙甲之事產此祖制也計宣德四
年以前大造黃冊者六次矣據冊分縣自多錯壤如一都
分屬嘉興縣趙甲卽是嘉興人戶其原買田地雖坐十都
而分屬嘉善者不得不從趙甲爲嘉善一都之事產蓋承
平分縣故與草昧不同草昧恒因疆界以定冊籍承平必
因冊籍以定疆界就今嘉秀界中錯有嘉善田地是錯壤
原在未分縣之前而疆界豈得正于既分縣以後也同時
海鹽分出平湖見今海鹽田錯在平湖最多崇德分出桐

嘉興府志

卷八十二 藝文一

三

鄉見今崇德田錯在桐鄉者最多見有嘉興縣先爲別事
弔存嘉善縣遷西區底冊一本內開本區田地蕩各若干
外縣田各若干千戶所田若干所載錯壤甚明今又弔取
平湖底冊所載錯有海鹽縣田地亦同前法必如嘉善所
云正疆界平湖桐鄉之爭甯有極與至萬歷九年丈量嘉
秀錯在嘉善界者丈歸嘉秀嘉善錯在嘉秀界者丈歸嘉
善攢造實徵黃冊以八年之原額爲舊管以九年丈量之
歸戶爲新收此戶有開除必查彼戶有新收甲合里里合
都都合縣查算磨對毫無差誤士民各守分義毫無異言
不意嘉善有故紳自謀隱漏者藉口瘠土將丈實田或二

三畝折一畝以濟其私合縣譁然始倡議取償嘉秀以謝國人主令里長吳旂等誣呈府縣會有所挾自作申文強令余知縣張知府用印不令一毫漏洩暗中撫按詳允露取二邑額田三萬三千畝嘉秀士民悶然大震不謀而奔訴三院者數萬人三院色動批道行府合同本府官及七縣正官三縣鄉官于城隍廟博采輿情再三酌議僉謂當仍舊額以萬歷八年實徵冊爲主當立議單俱金花押隨經轉詳三院蒙劉巡撫復批據會勘三縣田糧士民既僉以復舊額爲便如議行各該縣查照八年冊額徵輸永爲遵守李巡按復批三邑田糧既有萬歷八年實徵冊額徵

嘉興府志

卷八十二

藝文一

五

輸不缺羣情稱便似宜聽其便也會議無異候行給告示知悉又蒙葉巡鹽批據詳三邑田糧照舊冊徵輸此息爭釐弊之要法也如議行等因夫三院非有前後更代也刻印銷印不吝翻然亦悔其始之誤聽耳憲案具在勒石大察院中永久依行邇來又將二十年矣汝猷等忽將後詳盡行抹殺直據暗申前詳以誑君父是猶獄囚已經審明猶執前案以譏斬也至云朦朧暗繳大察院中屹然豐碑是何物與且據彼疆界之說不過以請復舊額爲由又查嘉善初析原額田地共六千二百六十二頃六十二畝零至丈量後十五年題准刊定碑式開載田地六千二百七

十頃一十九畝零虧乎不虧乎彼自亦苦無辭乃乘吳知府平冊之時賄通縣魚鱗冊控至家中恣奸任意割去又據至慈雲寺中逼令縣官補印以致吳知府止據割冊誤信有二萬八千之虧比蒙嘉興陸知縣查對該縣誌書迥異建議逐圩抽丈汝猷等懼露又復增入以致見蒙王僉事行令府縣開局磨算比較前吳知府縣冊總及四圩已多六千餘畝故俱係舊割今增印文各別具載三縣申文中而姦謀始盡敗矣據稱飛龍俱在九年丈量時何不執八年原冊比對九年文冊要見每戶八年原額若干九年飛龍嘉興若干又飛龍秀水若干在嘉秀何辭之有今問以

嘉興府志

卷八十二

藝文一

五

八年田冊則曰無之要見前冊的是何年何人減去及查嘉秀實徵各田原無隱漏則又曰昔爾今增夫增則增矣新增之糧有無申報誰爲乾沒且就此三萬三千秀水籍中嘉善鄉紳亦有一百三十畝與焉但問本紳邇年有無完糧原與某人交易契上原開某縣田糧委否先在嘉善何人名下今于何年月日用何機關忽飛秀水田糧作何開豁著令何人賠補請自臆始而餘可倒矣嘉善又以糧之輕重爲言則其故尤三尺童子所知者三吳之糧獨甲天下國初以二十七則起科自三升民田以至九斗二斗三升官田至懸也卽一戶之中數畝之田科則輕重迥自

不同至嘉靖間有趙知府執平通爲一則然各縣自爲執平各不相及如此縣民田少官田多糧額原多計畝執平自多彼縣民田多官田少糧額原少計畝執平自少本府七縣各不相同卽秀水已重于嘉興而嘉善安得以此欺世夫田至三萬三千其賦則七千金其糧里等役則一百六十餘名也今嘉善一則曰冊不可查再則曰田不可丈直欲白奪三萬三千之田令嘉秀代賠七千餘金之賦代供一百六十餘名之役將人以肥己卽驕子不能得之慈父而嘉善顧欲得之至平至公之公祖不一得而攘臂相加磨牙相向稍持定則狂奔闕下敢罪官府之擱延稍清查則鼓譟公庭敢亂清朝之法紀誰生厲階至于此極伏乞敕下部院慰問各臣嚴究倡亂仍乞備加查核剗冊增冊之姦欺守二百餘年之舊額以安三縣錯壤之生靈地方幸甚

國朝

周宸藻兌漕奏疏

竊惟財賦半由東南故漕運爲

國家大命然東南諸郡兌漕之法臣不能悉知獨至臣鄉而弊已極臣不憚悉爲

皇上陳之兌漕之法以平運爲定制每歲旗軍運京倉米一百

石外贈隨船耗米二十五石進倉耗米一十五石是民間兌糧一百四十石旗軍交完止一百石也是謂官貼又以米或溼潤故令民間兌米百石外加四石免其舁乾又加四石免其篩颺百石之中七十不斛三十加尖折米三升總算添米一石八斗此九石八斗所自起也是謂私貼則是九石八斗凡米色篩颺折尖無不在其中矣若安家則有月耗鹽菜則有行糧起剗僱夫別有輕齎以至修船有銀而空有銀費

國課三石而得收一石之用

朝廷之所以恤軍者甚詳且至迨相沿久而加四之耗粒粒

嘉興府志

卷八十二

藝文一

七

皆曰正糧矣于是巧爲截貼之說不論正耗每兌米一百石貼銀三十八兩外加火耗三兩八錢糧長投之于官官給之於軍繳扑迫比不異正項銀糧之完納矣又於截貼之外有緡司詰會錢開厥錢節屬錢著押錢名色甚多不能枚舉稍不遂意則勒捐不兌甚而緡司水手什伯成羣辱官現搶江南之已事可見揆厥所由軍強民弱官不敢與軍爭民又安敢與軍抗惟祈剗肉補瘡得以交卸爲厚幸比年以來民困日甚每臨出兌如蹈鼎鑊遂有不保田畝輕去其鄉者以臣愚見漕規宜復舊也截貼使用軍雖窮悍終爲私勒聞江南兌糧百石止加米五石銀五兩經

蘇松舊按臣秦世禎條奏遵行此正合九石八斗之制而臣鄉獨照舊徵比雖

嚴綸之屢道酒臣之申飭而地方有司絕不奉行小民之膏血有限旗軍之需毫無窮誰非

朝廷赤子安能歲歲供若輩之機肉哉若行糧舊制每石折銀五錢千條報項下取之自明季攻徵本色積漸至今行糧亦索使用每石二三錢不等臣愚以爲行糧既照時價給發必須嚴禁雜費然非

天語嚴飭力復舊規痛革積弊欲民之振起也不可得矣至如兌酒稽遲皆由出兌之時多方需索而地方倉庫又交通

嘉興府志

卷八十二

藝文一

六

旗軍私行請兌以致耽延誤期今新運在即伏乞

敕下督漕諸臣嚴行釐剔去害民之弊以恤民井去害軍之弊以恤軍務使漕規一而起遲速

國帑庶有攸賴耳

范承謨請買穀平糶疏

竊照嘉湖杭紹四府被災雖有輕重而小民總無儲蓄嗷待哺拯救似難刻緩臣雖代爲請蠲免請折漕稍施其困然有田者耕種三番車馬之工已竭無田者平糶半菽將成溝瘠之指設非買米急救何能暫延喘息除勸諭鄉紳富民及各官捐助並捐賄米穀通發備賑外更令災民

犁除荒蕪急種菜麥以備來春惟是民多米少雖目前稍可支吾至冬必竭非預爲之計米穀一盡民必流亡彼時雖招荒議賑恐無及矣臣再四圖維惟量發司庫存留銀兩邊運能員前往江楚等處採買米穀照價平糶得價之後照數還庫民免炊珠之歎官無仰屋之嘆救荒良策莫此爲善更請

敕下權關守隘等官毋得苛稅阻撓庶百萬之生機可延而朝廷不獨之獨恩同大地矣

請緩徵漕折疏

爲照嘉湖二府異常水災臣以漕糧關係國儲不敢輕爲

嘉興府志

卷八十二

藝文一

九

蠲免乃酌爲改折之請荷蒙

俞允百萬窮黎莫不仰沐

如天之仁叩頭感激歎聲如雷惟是被災已深重者顆粒無收輕者斗石不繼入冬以來又雨雪連綿飢寒滿路呼泣傷心地方有司不敢稽候正供凡漕糧白糧等項俱已極力徵完而折漕一項追呼盡術收納無多臣每微聞有司及傳窮民之在省者詰其拖緩之故咸謂小民感

朝廷再生之恩恨不卽輸將奈以前用三番車插工費已窮以後秋禾收成冬遭久雪不但錢米俱乏而田無捍草薪糞皆空是以奉公之心雖急措辦之術無從臣聽其訴言

深爲憫惻伏念嘉湖所產惟穀與絲上年籽粒同已無成
今歲蠶桑尚有所望凡未完漕折銀兩懇乞

皇上推俟豐熟之候儘微起解統於康熙十年歲終奏報雖曰
限期稍寬實於原額無損可免百姓賣妻鬻子之苦而恤
災拯溺之

洪恩始終克全矣

請發正白糧耗米疏

浙省糧賦之重莫過嘉湖二府而額外多給之款無如白
耗一項案查全書開載嘉屬白糧每正米一石連耗并稽
折准徵糙平米一石八斗而額設夫船經費每石銀八錢

嘉興府志

卷八十二 藝文一

三

湖屬白糧每正米一石連耗并稽折准徵糙平米一石五
斗五升而額設夫船經費每石銀一兩五分蓋嘉屬耗米
比湖屬多編二斗五升而湖屬經費較嘉屬多編二錢五
分兩府錢米之數雖若參差而嘉屬多米湖屬多銀兩相
折算數亦相當至於耗米則皆以五斗五升徵給也惟是
編徵正耗全書明註准徵糙米四字並未令徵白米也歷
年奏冊報銷無異乃該府兌給不分正耗皆係全白則不
惟民力難堪且與全書甚悖夫全書所以給耗者原爲徵
糙以備稽折之費今既皆徵白則無稽可折乃仍徵稽折
之耗且并耗而亦給白是軍之所取多而益多民之所出

重而又重當此百姓窮苦之際安能歲歲供無已之耗耶
乎臣自上年嚴飭行查隨發糧道確議茲據詳稱每石五
斗五升之耗照條議舊例相沿未改臣以當時徵糙恐有
稽折故加五斗五升今皆徵白並無稽折何可仍舊臣檢
奏銷康熙七年等事案內部查進倉白耗止交四升有奇
則是所交者甚少所給者甚多徒竭民膏以恣軍欲大非
經制之初意也臣駁復再三務求至當有議止給白耗四
斗者有議仍給五斗五升平糙者臣恐弁軍借端稽遲致
誤上供於是再四籌畫除原編銀米折算相當并各項經
費俱照舊不議外今請將兩府正頂白米一石外給白米

嘉興府志

卷八十二 藝文一

三

四斗五升以爲盤剝進倉之耗則運軍所得不爲不厚而
減徵一斗以抵糧里稽折則窮民之力藉以稍寬與全書
徵糙之意亦無大悖軍民兩利事屬可行也今值全書改
纂之際正宜核定永著爲規不過釐正全書之所無並非
議減全書之所有仰祈

皇上敕部議覆俯賜允行刊入全書格爲遵守此後如有弁丁
印糧官役私加顆粒者臣卽據實題參庶歷年之積弊永
除而國賦民瘼均有裨益矣

張惟赤海氛蕩平謹陳末議疏

國家晏命方新滇黔底定正屬茂昌之會而海氛橫肆乘我

不備深入江干虛聲振動人心惶駭今桓桓

禁旅迅速徂征或誘其登陸而熾之或扼其海口而擊之從

此合閩浙江南三省之全力會同大兵搗其巢穴必以勦

滅爲期彼亦何能以偏僻之一隅當全盛之大勢此在

皇上神武睿謀必有經畫非廷臣所能參贊萬一也獨是封疆

騷亂之餘宜先聯不可動之人心先固不可犯之守備莫

抒末議一一爲我

皇上陳之一曰困危之民心宜收也賊乘虛入犯沿江郡縣多

被破傷雖由賊勢披猖亦屬平時長吏撫循無術亦致人

心渙散不能固守夫

嘉興府志 卷八十二 藝文一

三

皇上恤民之德意無所不至而有司未必眞實奉行窮民往往

失所卽江浙郡縣糧糧逋欠爲多難民閭或有未輸而大

半皆爲官吏之侵漁數年以後官則陞降更易吏則花費

無存新任守令事關參罰不得不仍取於民往往攤派重

徵民力何由不困至於蠶役狼虎百方吞噬疾苦顛連控

訴無從官民相與初無恩義相維是以臣變倉皇不復相

顧至於失守諸處或賊兵踰入或逃竄一空百姓拋家失

業奔走流離焚掠殺傷在所不免又如山東河南一帶雖

寇亂所不經但孔道之區兵馬過往紳夫則動點數千埃

門拿取或守候連朝或追驅過界貧民無食累死道傍爲

粟則一時取辦不入正供供億星驅疲竭財力則有司雖

無可奈何而百姓已不堪其苦臣辦事垣中見東撫許題

爲水災異常等事一疏內稱濟甯單鄒曲阜等縣陰雨連

綿山水泛漲已登之禾麥盡爲漂蕩在野之秋苗全然淹

沒婦孺于泣嗷嗷待斃乃其連名公呈則云不敢望蠲求

賑但求本年秋分錢糧稍緩一分則民受一分之賜是明

以蠲賑遞延時口徒屬虛文無救旦夕之死亡夫使百姓

遭此奇荒窮餓之慘而且不敢望蠲望賑其苦可知矣以

如是困苦之民而欲供夫役芻粟之費其能堪乎請乞

皇上敕部通行各撫按細心籌畫其內地孔道之區供應疲勞

嘉興府志 卷八十二 藝文一

三

作何休養災傷里分作何救濟或

皇旨軫恤如在春臺但得民心樂附而堅固不搖矣一日姦宄

之竊發可虞也頻年以來近自齊豫遠至江浙盜賊竊發

所在而有大有大則劫庫劫獄小則搶掠客商今江上震驚此

輩思亂之心愈熾若內蠹不清重爲民擾地方官亦不能

專心辦賊克奏膚功夫盜之盤踞必有地窩主必有人有

司苟中嚴保甲加意澄清何難窮其踪跡請乞

敕部通行各撫按責成郡縣長吏協同駐防將領嚴緝密拿或

偵其始聚或掩其方萌務比平時百倍嚴飭至有一等姦

民專造訛言煽惑人心希圖逞亂并乞

嚴救該撫按密訪嚴拿審實正法則姦宄可弭而亂萌可靖矣

一曰駐防之汎地宜嚴也海寇犯順雖在在可登而前朝設有軍衛城堡扼守要害不爲不密防守者守于要害之地賊縱欲捨舟登陸而我兵遇其方至自不能奮飛直上臣竊聞各處駐防鎮將每貪安逸高居腹裏郡縣圖放營偵巡制小民其海口汎地不過命千百總瞭望撥兵不過一二十人卽如江南之吳淞爲賊舟可泊之地而松江府遠去海口離吳淞二百餘里今鎮將不駐吳淞而駐松江臣鄰之乍浦爲賊舟可泊之地海鹽縣雖臨海口舟不可泊離乍浦四十餘里今鎮將不駐乍浦而駐海鹽一時賊

嘉興府志

卷八十二

藝文一

書

艘驟至止惡撥兵飛報往返數十里數百里之遙則賊已安然登岸矣臣辦事垣中見浙撫佟題有僞將馬龍帶水羅船五隻率眾百餘泊乍浦城投誠一事幸彼係投誠之賊撥兵飛報該鎮將始往接應倘係犯順之舟幾何不乘虛直入而地方受其荼毒乎請乞

敕部通行各撫按嚴督該汎鎮將務須駐防海口不得仍留內地以致疏虞則汎地既嚴而防守自密矣右各款皆從因

辟鑿施行

楊雍建改折白糧疏畧

康熙三年戶部議將康熙四年江浙白糧正耗盡行改折以充兵餉每石照舊例折徵銀二兩以臣愚見合諸所聞竊歎其病民也比年江浙之米每石價七八錢今每石改折二兩加以倉蠶勒索非本色三石不足以完折色一石小民終歲勤劬所獲敢止一鍾今以有盡之膏脂供逾額之催科徵收敲朴勢必賣男鬻女流離播遷

皇上之深仁乃以改折一項重累窮簷

嘉興府志

卷八十二

藝文一

書

宸衷能無惻然也查二省白糧正米二十一萬七千四百七十二石五斗零耗辦等米一十六萬六千一百四十七石九斗零加以本色之三完折色之一改折而多費民間八十萬石矣又況有夫船等銀二十九萬三千九百兩零一併徵解者乎臣愚以爲有本色則有耗辦既已改折不應併耗辦而折之有本色則有夫船既已改折不應并夫船而又徵之事有便乎

國而未便于民者則改折之議可以權宜不可以久遠也京師根本之地太倉之粟陳陳相因必不得已而議折則當權衡穀價之高下酌量折徵總在便民而已

錢以增教忠善被疏

皇上臨御萬方整齊綱紀秩叙彝倫開導人心勸忠教孝凡屬

從前守義盡節之人

特敕該直省查明核實建祠崇祀臣一介庸愚仰荷

聖恩拔擢歷陞卿貳

高天洪造未效涓埃茲臣有下情展轉五內不得不跪陳始末

叩額於

聖主之前者竊臣祖錢榜係浙江嘉善縣貢生

國初隨征入閩順治四年總督臣張存仁委署延平府將樂

縣知縣於三月十八日到任因山寇竊據建甯連陷數縣

嘉興府志

卷八十二

藝文一

美

將樂被圍城中守弁先已調援順昌無兵禦敵臣祖督領

鄉勇家丁登陴固守至九月初六日賊眾破城臣祖猶率

家丁夏允中沈贊等巷戰中銃墜馬被殺主僕同殉是時

臣父錢煥年十一歲適在浙籍音信不通一家離散至順

治九年三月福建巡撫臣張學聖為臣令殉難等事將沙

縣知縣董濤順昌縣知縣錢嘉倫永安縣知縣高成臨大

田縣知縣胡天湛并臣祖錢榜具題部議董濤等四員俱

在

賜卹臣祖榜因係委署知縣咨文尚未到部冊缺無名議駁不

准孤忠沉鬱垂八十年矣恭遇雍正四年欽奉

諭旨通查八旗各省從前被難之人自王公大臣官員以下至

末弁微員兵丁人等

賜給卹典建立廟宇設牌入祀臣在部檢閱舊卷現有臣祖錢

榜與董濤等四人同時殉難之案伏思委署雖非部選尚

難均屬孤忠臣若隱默不言上負

皇上廣典殊恩下掩臣祖効忠苦志願願臣子踴躍何以自安

用敢瀝陳叩懇伏祈

敕部查明順治九年撫臣張學聖題請舊案俾臣祖錢榜得以

上荷

皇恩分叨俎豆之榮孤忠不致泯滅臣節得以表揚不但臣祖

嘉興府志

卷八十二

藝文一

宅

感戴九泉臣子子孫生生世世頂祝永遠無極矣

錢陳羣代母恭謝疏

本年二十一日跪聆

聖訓蒙

皇上垂念臣母年近八旬

恩賜硯一方人參二觔內府袖緞各四匹臣祇領後卽差家人

恭齎到浙臣母恭設香案跪領訖今于本月內接臣母寄

臣信內云汝自幼孤苦寒素食貧遺際

聖明久叨侍從清班屢昇文衡重任每接邸報見汝蒙

恩遷轉我感激惶悚清夜思之輒至涕下但願汝恪守官箴力

圖報稱我卽布衣蔬食實爲榮幸乃仰荷

恩賞下賁遂門被命服之五章光適翟邦拜靈苗之三秀澤潤
衰顏感切餘生舉家頂戴但我係婦道所有感激下忱無
由上達汝現在視學直隸密邇禁錮其敬謹繕摺代申蟻
悃等語伏念臣一介微賤少承母訓長沐

皇恩自通籍以來一絲一粟得盡子職皆出自

皇上生成所賜今臣母復膺

錫類洪仁實臣世子孫決髓淪肌矢報靡涯之厚典所有臣
母感激下忱理合繕摺恭謝可勝感激惶悚之至

劄

嘉興府志

卷八十二

藝文一

天

宋

黃幹石門申提領所請截留本錢劄

幹么麼小官無足比數適承庫務積年久壞後雖未及踐
事而曠敗之狀已見近准使帖以前官拖欠煮界格目錢
遂截去來年歲計三百千以補煮界之欠幹聞命恐懼不
能自甯已具申懇未蒙允可故敢復布陳之竊見本庫每
年歲計所給本錢二千七百貫趁辦息錢八千貫吏之請
給場務之支費又幾千貫是以一錢而取三分之息也累
政之所以敗壞者正以本少息多耳本少息多則造酒必
薄私酒必多拍戶必逃移官課必虧折此不待智者而後

知也盡得二千七百貫本錢猶不能辦況又截去三百千

邪況幹今之所處尤有可矜念者每仗月造麴以供煮界
之用幹之到庫麴數殊少比之常年已將本錢買麴計三
百千矣清酒本錢例得一千二百貫爲六月造買清酒之
用幹之到庫卻有兩月發賣清酒本已不復有又將本錢
四百千造兩月清酒矣以二者計之無故坐費七百千則
本錢所餘二千貫耳若使又截去三百千則所餘者一千
七百貫耳以二千七百貫尙不能辦歲計况又削去其半
又何以支吾邪竊念倘實諸庫所以敗壞者皆生于上下
之情不通監官不恤酒之厚薄必欲拍戶之納錢使所不

嘉興府志

卷八十二

藝文一

完

惟本錢之多寡必欲監官之趁辦上下煎熬但見追尋知
索印紙對移闕俸終歲紛紛而酒課卒不辦幹愚庸無似
惟知關防滲漏摺省餘費縮水加料使所造之酒于心無
愧則拍戶不患其拖欠然亦須使所多給本錢然後可辦
方欲于清本之外再有陳請况又截去其九分之一也故
敢冒瀆台嚴欲乞盡與支撥使幹得以悉力展布庶幾不
誤使令石門爲酒庫之首其敗壞不振積有年數使幹勉
竭駑鈍是庫久敗而復興則不惟小吏得以逃責而使所
亦免追胥之勞以使臺輟三百千特一毫毛耳而庫中解
錢不至虧欠則其爲利豈但三百千而已

頌

元

柳貫嘉興鹽運分司紀惠頌

漢置郡國均輸鹽鐵官鹽官天下凡二十八郡而在大江以南者會稽郡沿海鹽會稽地聯東西部封域廣矣海鹽以地產得名唐詎止嘉興一州境哉負海之利煮水爲鹽齊蓋微之爲富國強兵之術漢均輸法猶曰推夫人用之數官自受之而以平價出之敢私鬻者鈇左趾沒入其物所以佐百姓之急奉軍旅之費抑兼井而防溢佚也當時所舉賢良文學皆對願罷鹽鐵均輸議者重以安邊足用

嘉興府志

卷八十二

藝文一

三

之本難之遂卒不罷唐置巡院峻權增估民已甚病至宋給官本請鈔受鹽則厲禁加密而公私交瘠無遺策矣漢之鹽官其制莫詳若會稽所部縱廣數千里海濱斥鹵之地地盡鹽也而以一官領之大數百升而釜十釜而鍾偶笑之而爲籍錢人無以避此數也今給本請鹽之法尙仍宋舊而統之以轉運鹽使司置使員二同知副使判官員四重其官故常選用能臣然佩以三品銀章出入乘三乘傳其所部之總管府州若縣承命不敢少後官以轉運名則夫開闢利柄隨時變通諸使判官因得專而制之非如他有司受成法于上按而行之猶衡石之不可以輕重低

昂之也國制二使總凡司事同知副使判官歲出分司准校其屬鹽之次第而上下其賞罰凡冒禁而私鬻者卽議寘于法任專責重則雖同知副使判官職有等差固視二使而與之侔焉其選宜不輕矣嘉興大郡郡內列置五場場歲有課有官吏以奉其成盡有倉庾以時其出納自比年旱乾潦溢之不常凶荒札瘥之繼起亭民疲於剝鬻通課未償新額日積官吏胥爲詬戾若束溼然急則促數耗矣元統改元之明年轉運副使潁川李侯實分漚其郡于是侯在官踰三年諗于聽聞酌知其弊至則進其長貳曹吏而誡之曰爾鹽有火服給本有戶帳私鹽必出于場亭

嘉興府志

卷八十二

藝文一

三

私鬻必受之卒伍法所當禁吾不貸之以情法所當予吾不私諸其屬利所當舉弊所當革爾明告吾吾其敢不悉力自吾身以及吾之屬吏知以簡御煩以廉率貪而已凡著令之所具吾與若曹共守之一或不恭吾不以絲毫寬汝也唱名給本隨至隨與無晷刻之淹無錄兩之損按行團鹽軍馬緝童模構所資取諸衰囊勸其勤而懲其怠不啻父兄之督其子弟教戒之出威于答箠有犯私鬻者就逮而來則爲之疚心疾首推見至隱傳之經典開其自新使不陷于酷吏之深文不入于上罪之桎梏雖被重錮人自以爲不寃倉庾受納辨其色澤爲之平糶取足釜鍾無

羸合禽羸穡瘞叟以大進輸莫敢先後手執算籌鈎校登耗飯蔬飲水若固有之無賓客之迎將無應傳之譟娛夫之日如始至焉蓋亭戶鹵丁躬受涵煦之恩感戴不忘義也而若齊民獲安力作以無磨爽之虞以免織羅之害如春風時雨之及物而物不知則仁不勝用矣今侯以治辦還司而民之飲惠沐德者咸願列侯之績刊之貞石示後至稽法乃相顧言曰吾儕小人躬稼而食無盡藉於鹽官而終歲勤動積布縷粟粒之贏曾不足以富捕吏一飲醕之資自吾侯之至而始得率作興事以遂有生之樂孰能詩乎其往請辭以永無窮之思于方悲世鑒之不明慨

嘉興府志

卷八十二 藝文一

三

民善之滋甚而于是舉獨喜夫人心天理之不可以終泯者如此則爲叙而繫之侯名某字正卿由中書掾入官宰滿城守泗上皆有惠政在民民爲樹碑以頌遺愛有爲有守今將詳明于朝宜其智畧紆民隱憂薄海東南于晉望之盛筵固其一事焉耳侯之四子皆學爲儒仲子國子進士第三子舉至治丁卯進士第一詩書之教藹然一門侯之所存茲可見矣頌爲郡民紀惠而作非其屬之私焉先之以辦課之實亦推本而詳言之庶俾來者皆有所攷焉

頌曰

鹽實地產厥味惟鹹海王之國利盡東南齊正其筭積之

成富漢鹽鐵官視爲實路均輸使屬賦及邱民罷利而行兼井相因唐置鹽院宋始定課權其重輕以滋食貨經費之出有國之常權法既密民用疾傷聖元龍興制則因舊轉運名司官以選授籍戶給本課無羨贏請鈔以估予鹽以平徒法不行人執其柄校厥盈虧戒不恭命曰是嘉禾望於浙西鹽分五場有弗能齊歲龍在戊元統之二副使李侯持節往蒞謂吾奉法維以視成毋愆于素毋蹙于傾官育工傭俾時散給爾有常輸則以時入稽其耗登示之勸懲爾無私溺麗于大刑法令在人照如星日吾將與汝守而勿失國有加量坊民于茲吾飭庾吏毋爾面謾吾少

嘉興府志

卷八十二 藝文一

三

也賤衣蔬食糲今而賦祿行有舍菱縹粟繼肉有藥有庖敢以口腹貽爾告勞一夫逮蠶林連百室侯鑒孔明踵穴斯室邱民力生食福與魚向非吾侯曷甯爾若昔侯未來蹙頞嚔嘔侯既戾止燕及黃耇治功成矣侯則言旋民之戴侯列宿在躔侯重來持節按部以卒保我終我眉壽顯允吾侯家有詩書掄魁碩望承慶之餘懷仁負義侯所自致壯勇如林觀厥報施官守言責世豈嘗無無得有失是誠員子侯德之純如金如錫矢詩揚之垂後楷式

記

宋

陳舜俞海鹽李宰遺愛碑記

秀州海鹽縣有賢宰太常博士李君愛養其民而爲之興利又教其敦本節用既去而民思之有吳承潤潘彥昌者與眾紀君自始至及去爛然見於成牘藏於羣心稱於眾口之事詣余求爲文詞以信當世云瀕海之民其生不勤有川不濬有田不耕若歲屢雨四野爲瀾而注於海旋時微陽則無所溉坐視赤地攜手流徙者眾矣故十年之耕趁無一二君初卽事人方頻饑轉入山海持茗與鹽以給衣食而君皆權宜弗禁乘春可耕而室無稻粱之種君曰天有其時而人無其力咎將誰執會運使元公絳行郡君

嘉興府志

卷八十二

藝文一

志

持告身教文數通乞置郡帑假官錢三百萬貸民糴種及糧元公嘉許之歲終民賴以稔先是唐有賢令李諤通邑蠶涇凡三百有一歲久以寒君曰溝川不浚而望歲瘡氣血之竭求爲無病不可得也於是作勸書一篇二百餘言布告於民始命之積貯慎蓄以養生送死卒詔其具畚鍤隨所占田人自浚治因土爲塍以禦水旱提憲張公師中察其能卽以上聞君曰浚涇利之略耳我功未完已而歲亦小歉君乃大勸民爲橫塘堰旁植木爲閘長水永泰開涇鄉以下皆爲鄉底堰幾三十所以訖一時之利凡前後興作命令一下民知以佚道用其力未嘗不老幼相告語

勸從之惟恐後不戒不扑而告備戊戌仲冬吳中雨迄於

己亥之仲夏而後已秀州接輦幅員千里皆被水患獨君

之邑有堤防流決之備而君則去矣以是民之思君也尤

甚噫古者勸民務農而爲之開地利以當天時於政爲最

先是周有司勳掌六卿實地之法而民功爲庸在漢若

杜詩召信臣之屬始能當之以君視古奚其愧哉君之政

大略其刑以寬其令以簡其分爭辯訟皇皇焉惟恐不得

盡其情其視一夫不獲覲然愧於面目宜其居則勸以至

法去則久而益思也已予嘗陪君爲別頭主試官知君有

文行嘉興之新舊又能爲余道之實悉如來告者之言故

嘉興府志

卷八十二

藝文一

志

不愧爲之辭以俟史氏之摺摭君名維幾字景純嘉祐元

年四月受署四年四月代還其年六月乙亥嘉興陳某記

常案鮑即場東陽厲君政績記

鮑即催煎場舊其徵浦政事裕如也自分創以來局冷如

冰應稍不足以供事育庚子歲大歉亭民相繼肉自掠九

竈不煙倖活無幾宿奸陸梁倒持施勺擅撻傲視來者當

署涉筆嚙不敢問催煎之職至是難爲矣東陽厲君夢龍

到官庭空阜走案卷塵蕪堊廢爐舍燧火燭熄上官朱勳

紛來自立不容頃於是喟然曰旱魃肆虐饑饉臻則鹽

不可催街勒寬縱期會玩愒則鹽不可催賂門乘機洗手

未淨則鹽不可僅倚海築場刮壤聚土暴曬鈞鹹漏竅憑
瀉三日而成功驟雨至則前功又廢催鹽之職重難如此
遇清苦檢飭奉公竭廉歲月披星鋤獫狫盡心力而爲
之復鹽竈一所復鹽丁四十餘戶復鹽額一萬六千八十
七石有奇一年而鹽場之課額羨所謂才全而能鉅者也
省臺薦剡獎諭疊至將以上幕奏辟不且有功於鹽場乎
哉迨祐五年記

元

黃潛新成大成樂記

古之釋奠折俎升觴而已其爲禮也畧故其用樂之始莫

嘉興府志

卷八十二

藝文一

樂

得而詳記曰凡釋奠者必有合也說者或以合爲合樂然
則釋奠之有樂其出于古歟若其音節器數則自漢儀未
嘗言之前史所載元嘉之六佾特施于太學開元之宮懸
像設于兩京政和造雅樂名大成始頒行于天下而紹興
著令郡邑釋奠其樂二成蓋至是而州縣學有事于先聖
先師無不用樂者矣我國家有因有革存其聲音器物之
舊而變其稱號以新一代之觀聽今所謂大成樂是也海
鹽昔爲縣時既立學而廟祀孔子建版圖入職方朝廷以
其地大人夥易縣爲州而廟學之制猶循其故禮具樂缺
有司以吏議所不責久置弗講至正元年夏四月陳侯某

來知是州首務興舉學政問其籍則爲士者百家爲田者
萬畝問其春秋之祀則有牲幣而無樂侯爲之惕然與僚
佐延諸儒共圖之僉言義真有貝君者善樂事老而不仕
寓迹于雲間欲正雅樂非君不可侯聞之卽俾持書幣迎
至焉侯躬率者俊詢作樂之要君曰樂以尊和和不足
以爲樂侯觀江淮間所用樂雜出伶人賤工之手器不中
法音不中律左右高下參差混淆烏足致和哉苟徒捐厚
費而飾虛文侯弗爲也侯曰作樂以和神惟君言是聽君
乃爲考其數度啗量範金爲鍾而協以古律音彼此適均
吹其律而鍾自應至于琴瑟亦率自製惟笙磬之屬擇善
工使受指畫而爲之集諸生三十二人教之肄習而以明
年春二月上丁合奏焉在列者無不忻豫于是教授陳陽
翁以狀來屬于書于麗牲之石用垂永久予聞帝王之設
教莫重于樂非止用于釋奠也侯之于樂不但欲辨其鏗
鏘又必求通其義者相與討論之可不謂知所本乎宜其
能舉天子之命而爲民師帥也諸君子從侯修其時事周
旋升降于堂序之間必有聞其樂而知其所感動奮發而
鼓舞于鳶飛魚躍之下者矣潛勿辭而謹志之至正二年
明

楊一清嘉興何縣令見思碑記

嘉興府志

卷八十二

藝文一

志